

Na osnovu člana 21. stav 3. Zakona o visokom obrazovanju - prečišćeni tekst („Službene novine Kantona Sarajevo“, broj: 42/13), Senat Internacionalnog univerziteta u Sarajevu (u svojstvu Komisije matičara) raspisuje interni:

## **KONKURS za izbor vršioca dužnosti dekana Pravnog fakulteta**

Pozicija:

- **Vršilac dužnosti dekana Pravnog fakulteta**

Opis poslova:

- Koordiniranje rada na fakultetu, predsjedavanje vijećem fakulteta nakon sticanja uslova za konstituiranje vijeća od strane Komisije matičara;
- Predlaganje akademskih, naučno-istraživačkih i finansijskih planova fakulteta prema rektoru Internacionalnog univerziteta u Sarajevu (u daljem tekstu Univerzitet);
- Organizovanje i rukovođenje radom na fakultetu;
- Osiguranje efikasnog, ekonomičnog i svrsishodnog korištenja sredstava dodjeljenih fakultetu od strane Univerziteta;
- Zastupanje i predstavljanje fakulteta u skladu sa Zakonom i Statutom;
- Izvršavanje odluka vijeća fakulteta i organa Univerziteta;
- Predlaganje organizacijske, akademske i neakademske strukture na fakultetu;
- Davanje mišljenja u postupku utvrđivanja sistematizacije radnih mjesta na Univerzitetu; i
- Obavljanje drugih poslova propisanih Statutom i drugim općim aktima Univerziteta, u cjelokupnom postupku rada Komisije matičara.

Pravo prijave na Konkurs imaju članovi akademskog osoblja zaposleni u punom radnom vremenu na Internacionalnom univerzitetu u Sarajevu, izabrani u zvanje redovnog ili vanrednog profesora na relevantnoj naučnoj oblasti odnosno predmetu/ima koji se izučavaju u okviru nastavnog plana i programa Pravnog fakulteta.

Vršilac dužnosti dekana se bira na period od šest mjeseci, odnosno do izbora dekana Pravnog fakulteta u redovnoj izbornoj proceduri.

Kandidati koji se prijavljuju na konkurs za vršioca dužnosti dekana dužni su, uz prijavu na konkurs, priložiti slijedeće dokumente:

- a) Biografiju/CV;
- b) Uvjerenje o državljanstvu BiH ili ovjerenu kopiju CIPS-ove lične karte, za kandidate koji su državljani Bosne i Hercegovine ili ovjerenu kopiju prve stranice pasoša za kandidate koji nisu državljani Bosne i Hercegovine;
- c) Odluku o posljednjem izboru u zvanje; i
- d) Uvjerenje o radnom odnosu sa punim radnim vremenom na Internacionalnom univerzitetu u Sarajevu.

Dokumenti se dostavljaju u originalu ili ovjerenj kopiji. Konkursna dokumentacija se neće vraćati.

Prijave sa potrebnim dokumentima i naznakom „PRIJAVA ZA KONKURS ZA IZBOR VRŠIOCA DUŽNOSTI DEKANA - NE OTVARAJ, OTVARA KOMISIJA“, dostaviti lično, u roku od pet dana od dana objave konkursa (zaključno sa 28.09.2015. godine), i to na adresu: Internacionalni univerzitet u Sarajevu, Hrasnička cesta 15, 71210 Ilidža, Sarajevo.

Neblagovremene prijave se neće uzimati u razmatranje.